

Sarajevo, 13-11-2019
Broj: 02-03-5808P

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku Izvještaj br. 03-06-57832 od 12.11.2019. godine, Generalna direktorica donosi:

ODLUKU
o izboru najpovoljnijeg ponuđača za nabavku
pištolja za osteosintezu kod trauma šake sa pratećim dodacima i dermatomom
za potrebe Klinike za plastičnu hirurgiju

I

Prihvata se prijedlog Komisije za javnu nabavku pištolja za osteosintezu kod trauma šake sa pratećim dodacima i dermatomom za potrebe Klinike za plastičnu hirurgiju KCUS-a, po Izvještaju br. 03-06-57832 od 12.11.2019. godine, nakon provedenog postupka javne nabavke putem konkurentskog zahtjeva i ugovor dodjeljuje najpovoljnijem ponuđaču:

- **Medical Vision d.o.o Tuzla**

Pištolj/bušilica za osteosintezu kod trauma šake sa pratećim dodacima i dermatomom;

Aesculap Acculan 3TI

Cijena: 19.978,76 + PDV 3.396,39,00 KM = 23.375,15 KM sa PDV-om

Plaćanje u roku 30 dana od dana isporuke i ispostavljanja fakture

Rok za isporuku: 30 dana od dana potpisivanja ugovora i prijema narudžbenice

II

Izabrani ponuđač dužan je u roku od 5 (pet) dana od dana prijema ove Odluke, dostaviti original ili ovjerene kopije dokaza tražene tačkom 2.2 Tenderske dokumentacije, ukoliko istu nisu predali uz ponudu, u skladu sa dostavljenom Izjavom ponuđača, a ne starijih od 3 mjeseca računajući od momenta predaje ponude.

III

Ova Odluka stupa na snagu danom donošenja i bit će objavljena na web stranici KCUS-a putem web stranice Kantona Sarajevo istovremeno sa dostavljanjem ponuđačima učesnicima postupka javne nabavke.

O B R A Z L O Ž E N J E

U skladu sa Odlukom Generalne direktorice KCUS-a broj: 02-03-50816 od 08.10.2019. godine, pokrenut je postupak javne nabavke pištolja za osteosintezu kod trauma šake sa pratećim dodacima i dermatomom za potrebe Klinike za plastičnu hirurgiju KCUS-a, putem konkurentskog zahtjeva. Nabavka je planirana Planom javnih nabavki za 2019. godinu, kategorija „investicije robe“ redni br. 48, (Odluka o usvajanju Plana javnih nabavki Kliničkog centra Univerziteta u Sarajevu za 2019 godinu, broj: 360/19 protokol br. 02-01-18632/19). Za predmetnu nabavku sredstva su obezbjeđena po presudi Općinskog suda u Sarajevu.

Jamir
2019

Klinički centar Univerziteta u Sarajevu je na portalu E-nabavke dana 16.10.2019. godine objavio Obavještenje o nabavci broj: 893-7-1-658-3-402/19 zajedno sa Tenderskom dokumentacijom. Tendersku dokumentaciju je preuzelo 11 (jedanaest) potencijalnih ponuđača, a do krajnjeg roka određenog za prijem ponuda, 25.10.2019. godine, dostavljena je 1 (jedna) ponuda ponuđača Medical Vision d.o.o. Tuzla.

Komisija imenovana Odlukom broj: 02-03-54202/19 je izvršila uvid i provjeru svakog dostavljenog dokumenta i ustanovila da dostavljena ponuda sadrži sve tražene elemente i ispunjava formalno pravne i tehničke zahtjeve postavljene tenderskom dokumentacijom, te je ponuda prihvatljiva i može biti predmet vrednovanja.

Za ovaj postupak javne nabavke planirano je provođenje e-aukcije, ali u skladu sa Pravilnikom o uslovima i načinu korištenja e-aukcije, član 3. Stav 3) u kojem je regulisano kako se e-aukcija ne može provesti u slučaju prijema jedne prihvatljive ponude, **postupak se okončava u skladu sa članom 69. ZJN.**

Obzirom da je zadovoljena transparentnost i da je cijena prihvatljive, jedine ponude u okviru osiguranih sredstava za nabavku, Komisija je Izvještajem br. 03-06-57832 od 12.11.2019. godine dala prijedlog , da se donese odluka o izboru najpovoljnijeg ponuđača i ugovor dodjeli ponuđaču Medical Vision d.o.o. Tuzla.

Prijedlog Komisije je prihvaćen i donosi se odluka kao u dispozitivu.



GENERALNA DIREKTORICA

Prof.dr. Sebilja Izetbegović

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 5 (pet) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđačima;
- Tehnički sektor
- a/a KCUS

Feml
[Signature]